

Forum Beneficiale, Sive Quæstiones & Responsa Canonica

Materiam De Beneficiis Universam Ex Beneficialistarum tam antiquorum,
quàm recentiorum placitis complectentia. Opus methodo novâ, & clarâ in
tres digestum Partes ... accuratè, ac copiosè instructae

De Vacacione, Amissione, Et Extinctione Beneficiarvm ...

Leuren, Peter

Coloniæ Agrippinæ, 1704

601. An imposita pensione super pluribus beneficiis ob non solutam
integralm pensionem, vel potiùs pensionis partem impositam beneficio A.
soluta parte pensionis imposta beneficio B. sit locus ...

[urn:nbn:de:hbz:466:1-74494](#)

vertatur, tali casu resignatarius non tenet illi solvere arreragia, seu reliqua pensionum decursarum; quia, cum privatio beneficii veniat in consequentiam non solutionis, si privatus ea de causa cogeretur solvere pensiones decursas, daretur contradic̄tio, quia solveret, & ob non factam solutionem privaretur, citat pro hoc Gratian. *discep. for. discep. 617. n. 34.* citantur etiam pro hac sententia à Barb. *juris Eccl. l. 3. c. 11. n. 79.* Guerreo in *specul. juris pontif. c. 6. de pens. n. 6.* *Gig. de pens. q. 76. per tot.*

2. Contrarium tamen, nimis, qui vigore regressus ob non solutas pensiones obtinuit mitti in possessionem beneficii, non amittere pensiones illas decursas, sed eas illi adhuc deberi, tenet, & operose defendit Barboſ. loc. cit. à n. 80. argumento *L. Colonius. ff. locati.* ubi dicitur, quod Dominus expellere potest colonum contumacem in solvendo, & petere pensiones: & argumento aucth. *qui rem. c. de sacrofanci. Eccles.* ubi dicitur, quod Ecclesia potest expellere Emphyteutam per biennium non solventem, & petere pensiones, quando exceptit ab expulsione. Et n. 8. ait Barb. se absque dubio hanc sententiam veriorem existimare in casu, quo pensionarius (error est, dicere enim voluit, titularis) s̄e obligavit sub juramento ad solutionem pensionis, eō quod tunc juramentum habeat vim clausulæ: rato manente pacto: juxta l. si quis major. c. de transact. & Seraphin. de privileg. juram. privileg. 85. Tusch. lit. C. conclus. 300. n. 4. quos citat; dicta autem clausula: rato manente pacto, operetur, quod debitum principale simul, & poena exigi possint. Et utrumque declarat juxta l. qui fidem. ff. de transact. l. cum proponens. c. de transact. Salust. Tiber. in forma instrument. l. 1. c. 14. n. 10. Guttier. & alios, quos citat n. 92. Et hinc dicta clausula apposita in Emphyteusi operetur, ut Emphyteuta possit expelli ob non solutum canonem, etiam si Dominus illum receperit de præterito; quia utrumque consequi poterit, nempe canonem præteritum, & expulsione, quae sunt compatibilia juxta Tusch. ubi ante n. 11. Mart. de clausulis. p. 1. claus. 131. n. 7. Neque, ut ait Barboſ. n. 84. in hoc casu regressus succedat loco pensionum debitarum, sed illis accedit, ac proinde utrumque peti possit, pensiones nempe præteritæ seu decursæ, & beneficium; maxime, quia pensiones petuntur ex debito antiquo propter fructus beneficii perceptos, & regressus ob incuriam contumaciam in non solvendo debitis temporibus, vel potius ex pacto expressè inito in literis Apostolicis reservationis pensionis. Et tunc, quando poena apponitur loco contemptus, & postea res, & poena petuntur ex diversis causis, veluti si poena petatur ex contumacia, vel ex pacto, & debitu ex actione antiqua, certum sit, utrumque peti posse. Solvit quoque Barboſ. à n. 93. rationes Gigantis pro contraria sententia allatas.

Quæſtio 601. *An, imposita pensione super pluribus beneficiis, ob non solutam integrè pensionem, vel potius pensionis partem impositam beneficio A. solutâ parte pensionis impositâ beneficio B. sit locus regressui ad ambo beneficia?*

R Epondeo: Videri dicendum, quod sic, præfertim dum beneficia illa possideantur ab uno; quia pensio illa est de una re, et si sit imposta su-

per duobus beneficiis ad faciliorem solutionem, & majorem illius validitatem. Azor p. 2. l. 8. c. 14. q. 11. Paris. l. 6. q. 3. n. 35. sic resolutum testans à Rota in causa agitur. *Canoniciat. & prob. 4. Decemb. 1551.* ubi reservata talis pensio cum tali clausula: quod, deficiente Rectore, aut renuente solutionem dictæ pensionis in totum, vel in partem, liceret Titio liberum habere regressum respectivè, & eorumdem realem & corporalem possessionem ingredi.

Quæſtio 602. *An detur quoque bujusmodi regresus ob non solutam pensionem reservatam ultra causam resignationis, sive in eventu non solutionis concedatur regresus aliquibus, qui beneficium per resignationem non resignarunt, vel liti super eo non cessarunt?*

R Epondeo: In Curia receptum, ut, cum beneficium vacans per obitum conferetur alicui, reservetur quandoque alteri, qui ejus possessio aut titularis nunquam fuit, nec jus ullum ad illud, aut in eo habuit, pensio etiam cum facultate ad illud beneficium regrediendi, vel potius accedendi (ad regressum enim, seu ad regrediendum requiritur, ut is, cui conceditur, habuerit ante ejusdem beneficii possessionem; quemadmodum accessus runc dicitur reservari, cum alicui sit potestas intrandi, seu adipisci beneficium, vel illius possessionem, quod, & quam antea nunquam habuit, & ingressus reservari resignanti, dum quis cedit beneficium, cuius titulum & jus canonice obtinuit, sed nondum adeptus possessionem. Tambur. de jure Abb. to. 1. d. 13. *quæſtio 6. n. 1.* Paris. l. 6. q. 5. n. 111. & 114.) capienda per se, vel per alium propriam auctoritate possessionem illius in casu non soluta pensionis. Azor p. 2. l. 8. c. 9. q. 4. Paris. l. 6. q. 3. n. 6. citantes Mandos. de signat. grat. tit. regresus. Redoan. de simon. p. 2a c. 19. n. 1. Unde Paris. loc. cit. ait: concludendum omnibus pensionariis ad sui favorem dari hujusmodi regressum.

Quæſtio 603. *An, sicut in ipsa impositione pensionis requiritur consensus titularis, ita etiam is requiratur in impositione regresus concessi ob non solutam pensionem?*

R Epondet negativè Paris. l. 6. q. 3. n. 13. sic resolutum testans in una Conch. 20. Martij 1542. & citans pro hoc Put. decis. 223. l. 2. & Redoan. de simon. p. 2. c. 18. n. 4. Rationem dat duplice. Primam, quia hujusmodi regresus accessoriè datur in poenam ad favorem pensionarii. Alteram, quia regresus hic concessus ob non solutam pensionem datur eo tempore, quo quis beneficio privat; cum capiat vires post privationem legalem, quo tempore jam non interest titularis, quis capiat beneficium, & ideo ejus consensus non requiritur, sed sola auctoritas Superioris sufficit. Unde jam etiam infert Paris. n. 14. quod, dum Procurator generaliter constitutus ad acceptanda beneficia cum reservatione pensionis validè ea acceptat, etiam si reservatus regresus in casu non soluta pensionis; quia fines sui mandati non egreditur, dum facit id, quod de natura actus est.

* *